



# Cumün d'Ardez

Sezzüda da la suprastanza nr. 07/09 dals 24-03-2009

**Preschaints:** la suprastanza cumünala e la chanzlista

**S-chüsats:**

**Tractandas:**

- |     |   |     |
|-----|---|-----|
| 1.  | Approvaziun dal protocol dals 03-03-2009  |     |
| 2.  | Ordinaziun executiva quartier Curtinatsch | 554 |
| 3.  | Augmaint taxa da deponia Tars             | 555 |
| 4.  | Vendita bacharia / glatschera             | 556 |
| 5.  | Restructurar il sunteri catolic           | 557 |
| 6.  | Controllas pulizialas                     | 558 |
| 7.  | Offerta rait electrica Ardez ost          | 559 |
| 8.  | Pauschala per l'aua da fabrica            | 560 |
| 9.  | Chanalizaziun Bos-cha                     | 561 |
| 10. | Orientaziuns e varia                      |     |

**1. Approvaziun dal protocol dals 03-03-2009**

Il protocol dals 03-03-2009 vain approvà davo avair fat ün müdamaint.

## FABRICA

**05.**

**2. Ordinaziun executiva quartier Curtinatsch**

554

Il schef da fabrica orientescha cha la suprastanza haja amo d'approvar l'ordinaziun executiva. L'ordinaziun executiva d'eira gnüda trattada illa sezzüda dals 16-09-2008. In quella sezzüda d'eira gnü decis da far müdamaints dal uorden e da preschantar lura la versiun nouva als possessuors da terrain. L'ordinaziun es gnüda preschantada in november 2008 ad üna sezzüda als possessuors. Quels han gnü temp da tour posiziun in scrit a regard l'ordinaziun. Ils proprietaris han acceptà l'ordinaziun e nun han pretais müdamaints substanzials da la proposta da la suprastanza. Ils suprastants han survgni l'ordinaziun executiva avant la sezzüda e repassan ils puncts. Ün punct chi da andit da discussiun es l'artichel 5, tenor quel stessan gnir fabrichadas las chasas sco edificis massivs in mür, implü nu füssan admiss edificis in construcziun prefabrichada. La suprastanza es da l'avis cha scha l'aspet, las proporziuns e la fuormaziun as referischan a quel dal cumün, stessa esser pussibel da laschar propuoner chasas prefabrichadas. La suprastanza vain a la conclusiun cha las chasas hajan da gnir construidas tenor art. 5 alinea 1: sco edificis cun surfatscha externa reboccada. Implü vain strichà l'artichel 5 alinea 2 (chasa prefabrichada).

Decisiun: La suprastanza cumünala approva l'ordinaziun executiva davo avair fat ün pèr müdamaints.

## Deponias

**34.05.0**

**3. Augmaint taxa da deponia Tars**

555

Il schef deponias orientescha chi vegna deposità fich bler material da fabrica giò Tars. Ils cuost da splanar la deponia sun in relaziun cullas entradas ots. Il schef deponias orientescha ch'el haja congualà la taxa per depositar material i'ls cumüns vaschins. Quels han taxas da fr. 10.00 – 15.00. Our da quists motivs fa il schef deponias la proposta d'augmentar la taxa per depositar material giò Tars da fr. 9.00 sün fr. 12.00, quai retroactiv pels 01.01.2009. La decisiun sta in cumpetenzza da la suprastanza.

Decisiun: La suprastanza cumünala decida d'augmentar la taxa per depositar material giò Tars a fr. 12.00, retroactiv pels 01.01.2009.

## IMMOBIGLIAS

28.

### 4. Vendita bacharia / glatschera

556

Il capo piglia s-chüsa per quista tractanda. Il schef stabilimaints orientescha cha la barcharia + glatschera d'eira gnüda publichada i'l Mas-chalch per vender. Sün quai s'han annunzchats 3 interessents. Illa sezzüda dals 10-02-2009 ha la suprastanza cumünala lura decis da laschar inoltrar als interessents offertas fin als 3. marz 2009. Il schef stabilimaints orientescha chi saja entrada be üna offerta e ch'ün interessent s'haja retrat. L'interessent füss pront da pajar ün import da fr. 50'000.00 per la bacharia / glatschera. La suprastanza discuta la chosa. La stima da la bacharia / glatschera dess gnir actualisada causa cha'ls indrizs da glatschera chi d'eiran eir part da la stima nu sun uossa plü avantman.

Decisiun: La suprastanza cumünala decida da laschar actualisar la stima da la bacharia / glatschera. Implü decida la suprastanza da propuoner a la radunanza cumünala la vendita da la bacharia / glatschera tenor l'offerta.

## SUNTERI, SEPULTÜRAS

12.

### 5. Restructurar il sunteri catolic

557

Il schef sunteris preschainta ün plan dal sunteri catolic ed orientescha chi saja necessari da restructurar il sunteri catolic. l' preventiv 2009 es gnü büdschettà ün import da fr. 15'000 per restructurar il sunteri. Pertoccas da quella restructuraziun sun 31 fossas chi vegnan levadas. Il schef sunteri preschainta ün plan dal sunteri catolic chi muossa il stadi davo la restructuraziun. La corporaziun catolica es perincletta cullas lavuors. Davo cha'l sunteri es restructurà dess gnir fat ün plan digital pel sunteri.

Decisiun: La suprastanza cumünala decida da restructurar il sunteri catolic. La corporaziun catolica dess avair la pussibilità da decider schi vain miss glera o schi dess gnir semnä tshisp.

## PULIZIA

30.

### 6. Controllas pulizialas

558

Il capo orientescha ch'el haja survgni illa sezzüda dals 03-03-2009 l'incumbenza da verer che lavuors chi fessan dabsögn da surdar a la pulizia chantunala. Ils suprastants han survgni ün pèr propostas dal capo a regard las controllas necessarias. La suprastanza cumünala discuta sur da las controllas pulizialas previssas i'l proget dals cumüns vaschins. Implü orientescha il capo ch'el haja scleri, co chi füss schi's less surdar be üna part da las lavuors a la pulizia chantunala. Scha quai füss il cas, vessan ils cumüns vaschins chi fan part al proget (Scuol, Sent, Ftan,

Tarasp) da surtour il rest dals cuosts chi nu vegnan surtuts dal cumün d'Ardez per pudair realisar il projet. La partecipaziun pel cumün d'Ardez es previssa cun fr. 20'000.00. La motivaziun principala es, cha uordens e reglamaints fetschan effet be scha las controllas vegnan fattas consequentamaing.

Decisiun: La suprastanza cumünala decida da propuner a la radunanza cumünala da tour part al projet da collavuraziun culla pulizia chantunala preschantà illa sezzüda dals 24-02-2009 da sar Tinet Schmidt.

## PROVEDIMAINTE D'ENERGIA

**08.**

### 7. Offerta rait electrica Ardez ost

559

Il schef infrastruttura orientescha chi saja entrada l'offerta da l'Energia Engiadina per megliorar la situaziun da la rait electrica da la part ost d'Ardez. Quist müdamaint da la rait fa dabsögn causa cha la ledscha federala nun admetta plü chi sun tachadas vi d'ün scumpart daplü co 3-4 chasas. L'import per quist müdamaint s'amunta a fr. 48'000.00.

Decisiun: La suprastanza cumünala approva il credit da fr. 48'000.00 a man da la radunanza cumünala.

## FABRICA

**05.**

### 8. Pauschala per l'aua da fabrica

560

Il schef infrastruttura orientescha chi saja da fixar üna taxa pel consüm d'aua d'ürant il temp da fabricats. Tenor reglamaint dal provedimaint d'aua dal cumün d'Ardez es la suprastanza cumpetenta per fixar üna taxa per l'aua da fabrica. Il schef infrastruttura fa la proposta da fixar quista taxa per l'aua da fabrica a fr. 0.15 al m<sup>3</sup> dal fabricat.

Decisiun: La suprastanza cumünala fixa la taxa per l'aua da fabrica a fr. 0.15 al m<sup>3</sup> da la cubicatura dal fabricat.

## CHANALISAZIUN

**23.**

### 9. Chanalisaziun Bos-cha

561

Il schef infrastruttura orientescha chi vegna cumanzà ils 5 mai 2009 cul s-chav per la chanalisaziun da Bos-cha. Implü fa il schef infrastruttura la dumonda schi's scumpartischa ils cuosts a tuot ils possessuors da chasas a Bos-cha o scha mincha possessur ha da surtour be quels cuosts chi tangeschan a sia part da la lingia.

Decisiun: La suprastanza cumünala decida d'inchaschar da mincha possessur be quels cuosts chi tangeschan l'agna lingia.

### 10. Orientaziuns e varia

#### 10.1 Ouvra Tasnan

Il schef infrastruttura orientescha a regard las trattativas actualas in connex cull'ouvra Tasnan. La prosma sezzüda dal Consorzi ouvra Tasnan ha lö als 08-04-2009.

## 10.2 Radunanzas cumünalas

La supranza cumünala discuta a regard l'introducziun da votumaziuns in scrit illas radunanzas cumünalas. In quist regard vegnan fattas ponderaziuns e sclerimaints in connex culla constituziun.

17-04.-09      In buna fai      La chanzlista:    Il capo: